



Iusjurandum



(Ex Motu Proprio Sacrorum Antistitium 1 Sept. 1910)

IGO N... firmiter ampléctor ac recípio ómnia et síngula, quæ ab inerránte Ecclésiæ magistério definíta, adsérta ac declaráta sunt, præsertim ea doctrínæ cápita, quæ hujus témporis erróribus dirécto adversántur. Ac primum quidem Deum, rerum ómnium princípium et finem, naturáli ratiónis lúmine per ea quæ facta sunt, hoc est per *visibília* creatiόνis ópera, tamquam causam per efféctus, certo cognósci, adeóque demonstrári étiam posse, profíteor. **Secundo:** extérna revelatiónis arguménta, hoc est facta divína, in primisque mirácula et prophetías admítto et agnóscó tamquam signa certíssima divínitus ortæ Christiánæ Religiónis, eadémque téneo ætátum ómnium atque hóminum, étiam hujus témporis intelligéntiæ esse máxime accommodáta. **Tértio:** firma páriter fide credo, Ecclésiám, verbi reveláti custódem et magístram, per ipsum verum atque históricum Christum, quum apud nos degéret, próximé ac dirécto institútam, eamdémque Super Petrum, apostólicæ hierarcíæ princípem ejúsque in ævum successóres ædificátam. **Quarto:** Fídei doctrínam ab Apóstolis per orthodoxos Patres eódem sensu eadémque semper senténtia ad nos usque transmíssam, sincére recípio: ideóque prorsus rejíció hæréticum comméntum evolutiόνis dógmatum, ab uno in álium sensum transeúntium, divérsum ab eo, quem prius hábuit Ecclésiá ; paritérque damno errórem omnem, quo, divíno depósito, Christi Sponsæ tráditó ab Eáque fidéliter custodiéndo, suffícitur philosóphicum invéntum, vel creatio humanæ consciéntiæ, hóminum conátu sensim efformátæ et in pósterum indefínito progréssu perficiénda. **Quinto:** certíssime téneo ac sincére profíteor, Fidem non esse cæcum sensum religiόνis a látebris *subconsciéntiæ* erumpéntem, sub pressióne cordis et inflexiόνis voluntátis moráliter informátæ, sed verum assénsus intelléctus veritáti extrínsecus acceptæ ex audítu, quo nempe, quæ a Deo personáli, creatóre ac dómíno nostro dicta, testáta et reveláta sunt, vera esse crédimus, propter Dei auctoritátem summe verácis.

Me étiam, qua par est, reveréntia, subjício totóque ánimo adhæreo damnatióibus, declaratióibus, præscríptis ómnibus, quæ in Encyclicis lítteris « *Pascéndi* » et in Decréto « *Lamentábili* » continéntur, præsertim circa eam quam históriam dógmatum vocant—

Idem réprobo errórem affirmántium, propósitam ab Ecclésiá fidem posse históriæ repugnáre, et cathólica dógmata, quo sensu nunc intelligúntur, cum verióribus Christiánæ religiόνis originibus cómpóni non posse — Damno quoque ac rejíció eórum senténtiam, qui dicunt, christiánum hóminem eruditíorem indüere persónam dúplicem, áliam credéntis, áliam histórici, quasi licéret histórico ea retinére quæ credéntis fídei contradícant, aut præmíssas adstrüere ex quibus consequátur dógmata esse aut falsa aut dúbia, modo hæc dirécto non denegéntur. — Réprobo páriter eam Scriptúræ Sanctæ dijudicándæ atque interpretándæ ratióne, quæ, Ecclésiæ traditióne, analógia Fídei, et Apostólicæ Sedis normis posthábitis, *rationalistárum* comméntis inhæret et críticem textus velut únicam supremámque régulam, haud minus licénte quam témere ampléctitur. — Senténtiam prætérea illórum rejíció qui tenent, doctóri disciplínæ históricæ theológicæ tradénæ, aut iis de rebus scribénti seponéndam prius esse opinióne ante concéptam sive de supernaturáli orígine cathólicæ traditiónis, sive de promíssa divínitus ope ad perénnem conservatióne uniuscujúsque reveláti veri ; deinde scripta Patrum singulórum interpretánda solis sciéntiæ principis, sacra quálibet auctoritáte seclúsa, eáque júdicii libertáte, qua profána quævis monuménta solent investigári—

In univérsum dénique me alieníssimum ab erróre profíteor, quo *modernistæ* tenent in sacra traditióne nihil inesse divíni; aut, quod longe detérius, pantheístico sensu illud admítunt; ita ut nihil jam restet nisi nudum factum et simplex, commúnibus históriæ factis æquándum, hóminum nempe sua indústria, solértia, ingénio, scholam a Christo ejúsque apóstolis inchoátam per subsequéntes ætates continuántium. Proinde fidem Patrum firmíssime retineo et ad extrémum vitæ spíritum retinébo, de charísmate *veritátis certo*, quod est, fuit erítque semper in *episcopálus ab Apóstolis successióne* ; non ut id teneátur quod mélius et áptius vidéri possit secúndum suam cujúsque ætátis cultúram, sed ut *numquam áliter credátur, numquam áliter* intelligátur absolúta et immutábilis veritas ab inítio per Apóstolos prædicáta.

Hæc ómnia spóndeó me fidéliter, íntegre sinceréque servatúrum et inviolábiliter custoditúrum, nusquam ab iis sive in docéndo sive quomodólibet verbis scriptisque deflecténdo, Sic spóndeó, sic juro, sic me Deus ádjuvet, et hæc sancta Dei Evangélia.